



Prea bilong helpim wokabaut bilong Pop Fransis long Papua Niugini.

God Papa long heven, mipela i tenkim yu long makim Pop Fransis long go pas na stiaim Sios, em Pikinini bilong yu Jisas i bin kamapim; mipela i askim yu long givim strong bilong Holy Spirit long em na blesim em long taim em i wokabaut i kam long kantri bilong mipela, Papua Niugini.

Dispela taim bilong em i kam na stap wantaim yumi, i ken kamapim bel isi na amamas, na i ken bringim Gutnius bilong Kisim Bek Ol long olgeta manmeri.

Long wankain pasin Jisas i bin skulim ol disaipel bilong em long pre, wokabaut bilong pop Fransis i ken strongim pasin bilong yumi long pre na mekim yumi kamap trupela disaipel bilong Krais na tokaut long laip, na dai, na Kirap Bek bilong Em.

Maria, Mama Bilong Sios - Pre long helpim mipela

Santu Josep - Pre long helpim mipela

Santu Maikel, yu wasman i lukautim Papua Niugini - Pre long helpim mipela

Blesed Pita ToRot - Pre long helpim mipela na strongim bilip bilong mipela.